



ЎЗБЕКИСТОН
РЕСПУБЛИКАСИ
ТУМАНЛАРАРО
ИҚТИСОДИЙ СУДИ

170400, Andijon vil, Bo'ston
tumani, Mustaqillik ko'chasi, 36-
уу

РЕСПУБЛИКА
УЗБЕКИСТАН
БУСТАНСКИЙ
МЕЖРАЙОННЫЙ
ЭКОНОМИЧЕСКИЙ СУД

170400, обл. Андижан, р.
Бустан, улица Мустақиллик,
36

Тел: (0-374) 333-22-29, факс: (0-374) 333-14-37 Веб-сайт: www.oliysud.uz
эл.почта: i.buz@sud.uz

ЎЗБЕКИСТОН РЕСПУБЛИКАСИ НОМИДАН ҲАЛ ҚИЛУВ ҚАРОРИ

2022 йил 1 ноябрь
2201/1305-сонли иш

Избоскан тумани 4-1704-

Бўстон туманлараро иқтисодий судининг судьяси С.Умаралиевнинг раислигида, судья ёрдамчиси Ф.Турғуновнинг котиблигида, Ўзбекистон Савдо-саноат палатаси Андижон вилоят ҳудудий бошқармаси даъвогар – “Oltin mato group” масъулияти чеклангана жамияти манфаатида жавобгар – “Иззатбек Зокиржон” фермер хўжалигига нисбатан тақдим этган даъво аризасини даъвогар вакили Т.Абдумаликов (ишончнома асосида)нинг иштирокида, Избоскан туманлараро иқтисодий суди биносида очиқ сайёр суд мажлисида кўриб чиқиб, қуйидагиларни

а н и қ л а д и:

Ўзбекистон Савдо-саноат палатаси Андижон вилоят ҳудудий бошқармаси (кейинги ўринларда матнда “Палата” деб аталади) “Oltin mato group” масъулияти чеклангана жамияти (кейинги ўринларда матнда “Даъвогар” деб аталади) манфаатида иқтисодий судига даъво аризаси билан мурожаат қилиб, “Иззатбек Зокиржон” фермер хўжалиги (кейинги ўринларда матнда “Жавобгар” деб аталади)дан 2 099 187,765 сўм асосий қарз ундиришни сўраган.

Палата ишни ўзининг вакили иштирокисиз кўришликни сўраган.

Суд мажлисида даъвогар вакили кўрсатма бериб, хўжалик билан 2020 йил пахта хосилини топшириш юзасидан контрактация шартномаси тузилганлигини, шартномага асосан хўжаликга ёқилғи мойлаш, минерал ўғит ва бошқа махсулотлар топширилганлиги ҳамда тегишли пул тўловларини амалга оширилганлигини, пахта хосили якуни бўйича ҳисоб-китоблар ўрганилганда жавобгар 2 099 187,765 сўм қарздорлиги аниқланганлигини, барча ҳужжатлар иш ҳужжатларига тўлиқ тақдим этилганлигини билдириб, даъвони қаноатлантиришни сўради.

Жавобгар суд мажлиси вақти ва жойи ҳақида тегишли тартибда хабардор қилинган, бироқ унинг вакиллари суд мажлисига келмади ва низо юзасидан ўз эътирозини билдирмади.



Ўзбекистон Республикаси Иқтисодий процессуал кодекси (кейинги ўринларда матнда “ИПК” деб аталади) 170-моддасининг учинчи қисмига асосан, иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Суд юқоридаги қонун нормасига асосан ишни жавобгар вакили иштирокисиз кўришликни лозим топади.

Суд даъвогар вакилининг тушунтиришини тинглаб, ишдаги мавжуд хужжатларни ўрганиб чиқиб, қуйидагиларга асосан даъвони рад этишликни лозим топади.

Иш хужжатларидан аниқланишича, “Oltin mato teks” масъулияти чекланган жамияти билан жавобгар ўртасида 2019 йил 25 декабрда 85-сонли “Пахта хом ашёси ва уруғлик пахта харид қилиш бўйича контрактация шартномаси” тузилган. Шартнома шартларига асосан жавобгар даъвогарга ўзига тегишли бўлган 21,10 гектар ер майдонида Андижон-37 навли 69 тонна пахта хом ашёсини топшириш, даъвогар эса жавобгарга аванс тўловлари ҳамда пахта хосили етиштириш учун зарур махсулотлар билан таъминлаш мажбуриятини олган.

“Oltin mato group” масъулияти чекланган жамияти “Oltin mato teks” масъулияти чекланган жамияти таъсисчиларининг 2020 йил 4 ноябрдаги №10-сонли йиғилиш баёни асосида Андижон шаҳар Давлат хизматлар маркази томонидан 2020 йил 6 ноябрь кунги №174/1-сонли реестр рақам билан қайта ташкил этилиб, даъвогар “Oltin mato teks” масъулияти чекланган жамиятининг ҳуқуқий вориси этиб белгиланган.

Даъвогар бир томонлама тасдиқланган солиштирма далолатномада жавобгар томонидан 345 013 493,15 сўмлик пахта хом-ашёси топширилганлиги, 342 920 305,39 сўм пул маблағлари ҳамда махсулотлар етказиб берилганлиги кўрсатилиб 2 099 187,76 сўм қарздорлик вужудга келганлиги кўрсатилган.

Бироқ, суд ишда тақдим этилган хужжатлар асосида контрактация шартномаси асосида етказиб берилган махсулотлар ҳамда амалга оширилган тўловлар ўрганилганда 2020 йил 27 февралдан 2020 йил 28 декабрь кунига қадарли 196 300 002 сўм тўловлар амалга оширилганлиги ҳамда 148 713 491 сўмлик уруғлик чигит, этак, ёқилғи мойлаш ҳамда минерал ўғит махсулотлари етказиб берилганлиги аниқланди.

Ўзбекистон Республикаси Иқтисодий процессуал кодексининг (бундан кейин матнда “ИПК” деб юритилади) 68-моддасига кўра, ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши керак. Ишда иштирок этувчи ҳар бир шахс ўз талаблари ва эътирозларига асос қилиб келтираётган далилларни ишда иштирок этувчи бошқа шахслар олдида, агар ушбу Кодексда бошқача тартиб белгиланмаган бўлса, суд мажлиси бошлангунига қадар ёки суд бўлиб кетган муддат доирасида очиб бериши лозим.

Даъвогар низо юзасидан жавобгарга соя уруғлиги етказиб



берилганлиги юзасидан хисоб-фактура тақдим этилган. Бироқ даъвогар даъво асоси сифатида тақдим этган 85-сонли контрактация шартномасида соя уруғлиги етказиб беришга келишилмаган. Ушбу ҳолатда суд даъвогарнинг иш хужжатларига тақдим этилган 2 468 765,38 сўмлик соя уруғлиги етказиб берилганлиги юзасидан тақдим этган хисобварақ-фактурасини далил сифатида баҳолашни рад этишликни лозим топади.

Даъвогар ИПКнинг 157-моддаси асосида даъво асосини ўзгартириш юзасидан қўшимча ариза тақдим этмади.

Даъвогар жавобгарга нисбатан етказиб берилган уруғлик маблағини ундириш юзасидан янгитдан даъво ариза билан мурожаат этиш ҳуқуқи мавжуд.

ИПКнинг 71-моддаси кўра кўра, фақат ишга алоқадор бўлган далилларни қабул қилади. Агар тақдим этилган далиллар кўрилаётган ишга алоқадор бўлмаса, улар иш материалларига қўшиб қўйилмайди, уларнинг далил сифатида рад қилинганлиги суд хужжатида акс эттирилишлиги белгиланган.

Суд ишни кўриш билан боғлиқ давлат божи тўловини тарафлар ўртасида тақсимлаш масаласини муҳокама этиб, жавобгар ҳисобидан Республика бюджетига давлат божи тўловини ундиришни лозим топади.

Ўзбекистон Республикаси Иқтисодий процессуал кодексининг 118-моддасига мувофиқ, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади. Давлат божи тўлашдан озод қилинган давлат органлари ҳамда бошқа шахслар томонидан юридик шахслар ва фуқароларнинг манфаатларини кўзлаб тақдим этилган даъво талабларини қаноатлантириш рад этилган ёки улар қисман қаноатлантирилган тақдирда, давлат божи манфаатлари кўзланиб даъво тақдим этилган шахслардан даъво талабларининг қаноатлантирилиши рад этилган қисмига мутаносиб равишда ундирилишлиги белгиланган.

Бинобарин суд, Ўзбекистон Республикаси Иқтисодий процессуал кодексининг 68, 71, 118, 170, 176-179 моддаларини қўллаб, суд

қ а р о р қ и л д и :

Даъво рад этилсин.

“Oltin mato group” масъулияти чеклангана жамияти ҳисобидан Республика бюджетига 300 000 сўм давлат божи ундирилсин.

Олдиндан тўланган 24 000 сўм почта харажати “Oltin mato group” масъулияти чеклангана жамияти зиммасида қолдирилсин.

Ҳал қилув қароридан норози томон бир ой муддатда Бўстон туманлараро иқтисодий суди орқали Андижон вилоят судининг иқтисодий судлов ҳайъатига апелляция тартибида шикоят келтириши мумкин.



Судья
С.Умаралиев

Хужжат имзоланган: Умаралиев Сардор Ахмаджанович, 01.11.2022

